



Broj: 0602-106-8-5/26
Sarajevo, 10.02.2026. god.

Na osnovu člana 70. Zakona o javnim nabavkama („Službeni glasnik BiH“ broj 39/14, 59/22 i 50/24), član 38. Pravilnika o javnim nabavkama broj 02-11-491-7/23 od 28.02.2023. godine i člana 47. Statuta KJKP „POKOP“ d.o.o. Sarajevo, a na prijedlog Komisije za javne nabavke konstatovan u Zapisniku o pregledu i ocjeni ponuda broj 0602-106-8-4/26 od 06.02.2026. godine, Direktor d o n o s i

ODLUKU

o izboru najpovoljnijeg ponuđača
u otvorenom postupku

Član 1.

Ugovor za nabavku zaštitne odjeće, obuće i HTZ opreme LOT 1 Nabavka zaštitne odjeće i HTZ opreme u vrijednosti od 85.000,00 KM bez uračunatog PDV-a, odnosno 99.450,00 KM sa uračunatim PDV-om dodjeljuje se ponuđaču INKOS export – import d.o.o., sa registrovanim sjedištem u ulici 311 Lahke brigade 153, Kakanj.

Član 2.

U skladu sa članom 70. stav 6. Zakona KJKP „POKOP“ d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

Obrazloženje

KJKP „POKOP“ d.o.o. Sarajevo je u skladu sa čl. 18. i 25. Zakona o javnim nabavkama pokrenuo Otvoreni postupak za nabavku zaštitne odjeće, obuće i HTZ opreme LOT 1 Nabavka zaštitne odjeće i HTZ opreme. Na portalu javnih nabavki objavljeno je obavještenje o nabavci broj 775-1-1-7-8-13/26 od 16.01.2026. godine i u „Službenom glasniku BiH“ broj 5/26 od 23.01.2026. godine.

Kriterij za dodjelu ugovora je najniža cijena tehnički prihvatljive ponude.

Na osnovu Obavještenja o nabavci i Tenderske dokumentacije izvršeno je javno otvaranje ponuda dana 05.02.2026. godine u 10:30 sati u prostorijama KJKP „POKOP“ d.o.o. Sarajevo, Mula Mustafe Bašeskije 38, Sarajevo, što je konstatirano u Zapisniku o otvaranju ponuda u skladu sa Zakonom o javnim nabavkama.

Komisija je na javnom otvaranju konstatovala da su svoju ponudu predala 2 (dva) ponuđača i to: A&A Senergy d.o.o. Muhidina Mašića Munje bb, Goražde i INKOS export – import d.o.o. Kakanj, 311 Lahke brigade 153.



Komisija je prema članu 65. ZJN pristupila pregledu i ocjeni ponuda, što je konstatirano u Zapisniku o pregledu i ocjeni ponuda, koji je sastavni dio ove Odluke.

Na osnovu Pravilnika o uslovima i načinu korištenja e- Aukcije, a koju je ugovorni organ predvidio u tenderskoj dokumentaciji, a nakon otvaranja i evaluacije ponuda te obzirom je Ugovorni organ zaprimio jednu ponudu koja je prihvatljiva, postupak e-Aukcije se neće zakazati.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Slijedom navedenog Komisija je jednoglasno dala preporuku da se donese Odluka o izboru najpovoljnijeg ponuđača „INKOS“ export – import d.o.o., sa registrovanim sjedištem u ulici 311 Lahke brigade 153, Kakanj, iz razloga što je Komisija utvrdila da ponuda primjenjujući kriterij najniže cijene tehnički zadovoljavajuće ponude – prihvatljiva i sačinjena u skladu sa traženim uslovima navedenim u Tenderskoj dokumentaciji za predmetni postupak.

Shodno prijedlogu i preporuci Komisije za javne nabavke, ugovor za nabavku zaštitne odjeće, obuće i HTZ opreme LOT 1 Nabavka zaštitne odjeće i HTZ opreme, u vrijednosti od 85.000,00 KM bez uračunatog PDV-a, odnosno 99.450,00 KM sa uračunatim PDV-om, dodjeljuje se ponuđaču „INKOS“ export – import d.o.o., sa registrovanim sjedištem u ulici 311 Lahke brigade 153, Kakanj, koji je u otvorenom postupku podnio prihvatljivu ponudu u skladu sa tenderskom dokumentacijom.

Ponuda ponuđača A&A Senergy d.o.o. Goražde se odbija kao neprihvatljiva jer ponuđač nije ispunio zahtjeve iz tačke 19. Tenderske dokumentacije – Tehnička i profesionalna sposobnost, i to kako slijedi: U tenderskoj dokumentaciji, u dijelu koji se odnosi na tehničku i profesionalnu sposobnost ponuđača za LOT 1, propisano je da ponuđač mora dokazati:

„Uspješno iskustvo u realizaciji najmanje 1 (jednog) ugovora za isporuku predmetne nabavke u posljednje 3 (tri) godine, čija je vrijednost minimalno 85.000,00 KM bez PDV-a.“

Uvidom u dostavljenu dokumentaciju, ugovorni organ je utvrdio da je ponuđač, kao dokaz tehničke i profesionalne sposobnosti, dostavio potvrdu koja se odnosi na realizaciju više pojedinačnih ugovora.

Analizom dostavljene potvrde utvrđeno je da zbirna vrijednost navedenih ugovora može dostići traženi iznos, međutim nijedan pojedinačni ugovor ne ispunjava uslov minimalne vrijednosti od 85.000,00 KM bez PDV-a.

Tenderskom dokumentacijom je jasno i nedvosmisleno propisano da ponuđač mora dokazati realizaciju najmanje jednog ugovora navedene minimalne vrijednosti, pri čemu nije bila predviđena mogućnost dokazivanja tehničke i profesionalne sposobnosti zbirom više ugovora.

Također ponuđača A&A Senergy d.o.o. Goražde, je bio u obavezi u skladu sa stavkom 5. Obrasca za cijenu ponude dostaviti uzorak bluza sa svim tehničkim karakteristikama, uključujući zahtjev da se zaštitni znak KJKP POKOP d.o.o. Sarajevo, izveze ili uradi sitotiskom na poledini bluza.

Pod stavkom 5. Obrasca za cijenu ponude zahtjevano je:

Radno odijelo-

Bluza - osnovna boja siva, sa kombinacijom crne, ravnog kroja, dužine do bokova. Kopčanje zatvaračem veće kvalitete cijelom dužinom prednjice, koji je pokriven našivenom lajsnom koja se kopča druker kopčama, koje moraju da zadovoljavaju standard, EN71/1 STM F963, EN71/2 STM F963, EN71/3 STM F963, EN 1811; EN12472, ispod kragne na sredini i na pojasu. Pojas je našiven po dnu bluzona i na bočnim stranama je nabran, jer je u njega ubačena elastična traka, dužine 16 cm, širine 3,5 cm. Bluzon je presječen ukoso na liniji grudi i u drugoj boji, a ispod presjeka dva šira džepa sa patnom, zatvaranje na čičak traku. Na liniji struka se nalaze dva kosa džepa sa džep lajsnom. Kragna je oborena. Rukavi su uglavljeni, sa dvije falte i manžetnom koja se zatvara drikerom.

Na poledini bluza uraditi vez ili sitotisak zaštitni znak firme KJKP „Pokop“ d.o.o. Sarajevo. (dostavljen u prilogu tenderske dokumentacije).

Ponuđač A&A Senergy d.o.o. Goražde, je dostavio traženi uzorak, ali je na poleđini bluze zaštitni znak izradio na termo tisak (presom), što nije u skladu sa traženim zahtjevom u Tenderskoj dokumentaciji.

Na osnovu navedenog Komisija konstatuje da ponuđač A&A Senergy d.o.o. Goražde nije dokazao ispunjenost uslova tehničke i profesionalne sposobnosti propisanih tenderskom dokumentacijom, zbog čega se njegova ponuda, u skladu sa članom 68. stav (4) tačka i) Zakona o javnim nabavkama Bosne i Hercegovine, odbacuje kao neprihvatljiva.

Shodno navedenom Ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Direktor

Prilog: - Kopija Zapisnika o pregledu i ocjeni ponuda

Dostaviti:

1. Ponuđaču x 1;
2. Službi za komercijalne poslove Preduzeća;
3. a/a Preduzeća.



Sačinila: _____

Kontrolu izvršila _____